

OMAGGIO ALLA GIURIA

\*\*\*\*\*

Anima, cor'e mente present'eo  
a su cuncursu, chi si faghet'oe,  
ch'est su quartu poeticu, creco.

Tia cherrer torrare cal'eroe,  
cun coraggiu, cun forz'impit'e briu,  
che da su bindigh'a su deghe'noe,

pro aer dimustradu san'e biu,  
de Ottier'a su pupul'intreu,  
ch'isfidao sas'undas de ogni riu.

Oe mesu distrutt'è s'esser meu  
ca sos'annos imbezzen'ogni nou  
o sia tempus, sa natur'oe Deu.

M'azzardo ness'appen'a dare prou  
chi a calchi cositt'ancora giuo,  
cantu dur'Ottieri in sinu tou.

Da chi s'ora fatal'enit chi ruo  
e ch'ass'eternu reposu m'avvio,  
serro sa ucca pro sempr'e concruo.

cantu restad'alenu, cant'iscricio,  
e invecce m'intender nezzend'oi  
versos rudes a s'aria ch'imbio,

in modu chi s'amentu restet poi  
azzesu sempr'e prefferid'assai  
da sos umanos chi la pensan goi.

Chie no lassad eredes guai  
de affett'Ugo Foscolo lu neidi  
chi cuntentu non podet'esser mai.

Restat sempr'infelizz'ispiegheidi  
si non da fruttos'a s'umanidade,  
si ponet in camin'e no impeidi.

Rued in assoluta povertade  
amore, vid'iscenzi'e vertude,  
isviluppu, progress'e siviltade.

Su cantigu presento, ruzz'e rude,  
pupul'Ottieresu ch'appo fide  
e ispero ch'a su dover'acquade

cun s'illustre giuria cumpatide  
e in bon'armonia giudicade  
sa man'in sa cuscescia bos ponide  
s'onor'a chie merita lu dade.

IL POETA

GEMMA

A SA SOZIEDADE

-----°-----

Sozzi'e su Remediu galante  
ammiru de s'otieresa zente  
e de s'Isola Sard'unidamente  
già ricconnettu dign'e importante,

Cun su cussizzu sapiu bastante  
sozzios, cumità'e presidente,  
festedas bene continuamente,  
e cun salud'e fortuna costante.

Tia cherrer'a tott'a un'a unu  
sugurar'e toccare sa manu  
a sos presentes ch'onorende sunu,

a istranzos et'ogni paesanu  
sinzeramente, de cor'at'ognunu  
e cun sacru rispettu cristianu.

IL POETA

GEMMA

A SA VIRGINE SANTISSIMA

\*\*\*\*\*°\*\*\*\*\*

Virgine, pro sas'animas mischinas,  
isparghe grascias'a manos pianas,  
pro tè sonant'a festa sas sirenas  
e campanas foranas e bighinas.

Cun melodias sacras e divinas  
armoniosas musicas terrenas  
sonant puru sas trumbas prus amenas,  
sol vapores, in tottu sas farinas;

in sas domos, in chegias e capellas,  
tu'in tottue luminosa brillas,  
accompagnada dai sas'istellas.

De su chelu, cuncordas tottu millas,  
cun coronas de oro sas prus bellas,  
che anghelas, t'adorant tranquillias.

IL POETA

GERMA